

能斷金 唐 三藏法師 剛般若波羅蜜多經 玄奘 奉韶譯 佛陀教育基金會 印贈

出版說明

能斷金剛 般若波羅蜜多經》是出自玄奘法師 所 譯

五 七七卷「第九能斷金剛分」。此經亦 大般若波羅蜜多經》(共十六會六百卷)中的第 即流傳中 國已久, 九會第

·喻户曉、老少皆知、受大眾喜愛的《金剛 經》。

家

所 翻 譯 現今普遍流通的《金剛經》是 , 而 此 次印行玄奘法師的譯本流通,是希望藉由不 姚秦三藏法師鳩摩羅 什

出版說明

_

同 的譯本,提供大眾更多參考,更能了解《金剛經》的深

奥 法 義

以

「眾生出版社」版進行校訂。誠 此 經乃 依 大正藏版《大般若波羅蜜多經》為底本, 恐仍有疏漏之處, 並 祈

尚

上師三寶護法加持容恕,並請十方大德賜教指 正 0

大般若經第九會能斷金剛分序

竊尋浩汗其源者,必總靈怪之儲;紛糺其峰者, 西明寺僧玄則製 自

矣 極 故 根 大衍於初會,革小成於後心, 其承閑語 要,三問桀其標;節 蓄靈蘊 理情塗 福 , , 兩 信 哉 如 肅 其 宜

鬱

冥

之

觀

0

況沖照倬存,逸韻遐舉,

規真

附

體

,

紐

玄

立

動

行 致 之廣德。 窮 非想以布想,弘不濟之大勳 願 侔皦 日 , 格虚 空 而未量;信 ,攝眾 ·度以 異 隨 檀度 風 汎 聲 勵 香 無

而

不

住

0

忘

法身於

相

好

, 豈 見

如來;分剎土於

微

塵

誰

為

世 界 !河沙 數非多之多福,山王比非大之大身。 法 性 絕

靄 言 疑 津 謂 有說而便謗;菩提離 ,剪萌心徑,賞觸 類 而 取, 不 知 極 無授而乃 ,恪緣情而 成 必 盡 皆 所 以 拂

罣 然 詞 必 金 舉 剛 凡, 之 銳,賞二物 故率言每 約 之可銷; , 理 好 對 鉤 除之猛 賾 , 故屬意多迷。 ,雖一念其 前 無

聖 所 期 由 在 廣 之著 略二本,前後五 論 ,後賢所 以 殷學 譯 , , 無新 非 無故, 逾鍊逾 直有緣震 旦,實亦見 明 , 然 重 經 昌 卷

錄 則 0 為 爾 其 有 佛 刷湯二邊 , 故受 持之 ,彰 迹, 明 九觀 其 驗若 , 雲 飄絲鬢 神 傳 之物 , 愁含變滅 聽 具

如

别

大般若經第九會能斷金剛分序

相 難 之影;電轉珠目,榮遷倏忽之光。星夜編而曉落,則邪見 之如 保 ,露 彼,寧不荷付囑之,遙恩躬受行之美證矣! 陰 泫而陽晞,則色蘊方促。以有為之若此 , 加 無

能斷金剛般若波羅蜜多經

南 無 本 師 釋 迦 牟 尼 佛

開 經 偈

百 無 千 **F**. 萬 甚 深 劫 微 難 妙 遭 法 遇

願

解

如

來

真

實

義

我

今

見

闡

得

受

持

三 稱

唐 三藏法師 玄奘 奉詔

給 孤 如 獨 是我聞。一 園 ,與大苾芻眾千二百五十 時 薄 伽梵 在室羅 人 筏 俱 住誓多 0 爾 時 林

世尊 本 大 、城乞食 處 0 於日初分 飯食訖 0 時 , 整 收衣鉢,洗足已,於食後時 薄 理 加梵於其城中行乞食已, 一裳服 , 執持衣鉢,入室羅 出 敷 還 筏

如常座,結跏趺坐,端身正願

,住對面念

時 諸苾芻來詣佛所,到已,頂禮世尊雙足

右遶三匝,退坐一面。具壽善現亦於如是眾會 中

坐

爾

時

,眾中具壽善現從座而起

如 滕著地,合掌恭敬而白佛言:「希有!世尊!乃至 來、應、正等覺,能以最勝攝受,攝受諸菩 ,偏袒一肩,右 薩

囑 摩 訶 ,應云何住?云何修行?云何攝伏其心?」 付囑諸菩薩摩訶薩。世尊!諸有發趣菩薩 薩;乃至如來、應、正等覺 , 能以最勝 乘 付

能斷金剛般若波羅蜜多經

作是語已。爾時,世尊告具壽善現日:[善哉

善 來 哉!善現!如是,如是。 、應、正等覺 ,能以最勝攝受,攝受諸菩薩 如汝所説。 乃 至 如 摩

訶

[]

;乃至如來、應、正等覺,能以最勝

付

囑

善 付 作意 囑諸菩薩摩訶薩。是故,善現!汝應諦 ,吾當為汝分別解 説 0 諸有發趣菩薩 聽 乘 極

具壽善現白佛言:「如是 ,世尊!願樂欲聞。

,應如是住,如是修行,如是攝伏其心。 _

佛言:「善現!諸有發趣菩薩乘者,應當發起如

想 胎生、若濕生、 是之心:『所有諸有情, 若 無想,若非有想非無想, 若化生 ,若有色 有情攝所攝 乃至有情界施 、若無色 若卵生、若 , 若 設 有

情 所 而 得 施 般涅槃 設 滅度者 , 如是一 0 雖度如是無量有情令滅度已 0 <u></u> 切 何 以故?善 , 我當皆令於無餘依妙涅 現 ! 若諸菩薩 , 摩 而無 一个个 訶 界 有

現 想 若 諸菩薩摩 一夫想 訶薩不應説言有情想 補 特 伽 羅 想 意生想 轉 , 摩 如 是 納 命 婆

情想轉

不

應說名菩薩摩

訶

薩

0

所

以者何

?

能斷金剛般若波羅蜜多經

想 現 !無有少法名為發趣菩薩乘者 作者想、受者想轉 當知亦 爾 0 何以故?善

薩 住 施 聲 摩 訶 復 都無所住應行布施;不住於色應行布 ` 薩 香 次 如不 , 善 現 味 住 ` 觸 相想應行布 ! 菩薩 ` 法應行 摩 訶薩不住於 布 施 施 0 何 0 善 以故?善 現 事應行 • 施 如是菩 現 , 不 布

取 量 菩 薩 0 摩 河薩 都 !無所 住而行布 施 , 其福德聚不 量 可

佛 告 善 現 於汝意云何?東方 虚 空 可 取

不?

善現答言:「不也,世尊!」

切世界虚空可取量不?」

善現答言:「不也,世尊!」

佛言:「善現!如是,如是。若菩薩摩訶薩都無

善現!菩薩如是如不住相想應行布施。 _ 所 住而行布施,其福德聚不可取量,亦復如是

佛告善現:「於汝意云何?可以諸相具足觀如來

能斷金剛般若波羅蜜多經

善現答言:「不也,世尊!不應以諸相具足觀於

不?!

如 來。 何以故?如來說諸相具足,即非 諸 相 具

足。

是以相非相應觀如來。 相具足皆是虚妄,乃至非相具足,皆非虚妄, 説是語已。佛復告具壽善現言:「善現!乃至諸

如

情 於當來世, 説是語已。具壽善現復白佛言:「世尊!頗有 後時、後分、後五百歲,正法將 滅

時 分轉時,聞説如是色經典句,生實想不?」

佛告善現:「勿作是説:『頗有有情於當來世

薩 説 後 摩 時 如是色經典句生實想不?』然復,善現!有 訶薩於當來世 後分、後五百歲,正 ,後時、後分、後五百歲 一法將滅時分轉時 , 菩 聞 正

次 法 將 , 善 現 滅 時分轉時,具足尸羅 !彼菩薩摩 訶薩非於一 ,具德、 佛所承 具 事 供養 慧 復

於其非一、 百、 千佛所承 事供養 於其非一

於一

佛

所種諸善根

然

復

, 善

現

!彼菩

|薩摩

訶

佛 所 種諸 善 根 , 乃 能 聞 説 如 是色經典句

百

當 如 得一 來 · 以 其 淨 信心 佛眼悉已見彼 0 善 現 ! 如 0 來 善 現 以其佛智 ! 如來悉已 悉已 覺 知 彼 彼

聚 有 情 0 想 何 以 故?善 無命者想 現 無土 彼菩薩 夫 想 摩 河薩 無 補 無我 特 伽 想 羅 轉 想 無

切

有

情

,

當

生

一無量

無數

福

聚

,

當

攝

無量

無

數

無意 轉 生 善 想 彼菩 無 摩 薩 納 婆 摩 想 薩 無 無 作 法 想 者 轉 想 無 無 受 者 法 想 想

轉 無想轉亦無非 想 轉 0 所 以 者何

0

現

訶

執 善 現 有情執、命者執 若菩薩摩 訶薩有法想轉,彼即 補特伽羅等 執 0 若有非 應 有 法 我

羅 想 轉 等 執 , 彼亦應有我執、有情執、命者執 0 何以故?善現!不應取法,不 ` 應 補 取 特 非 伽

尚應斷 法 是故如來密意而說筏喻法門。 ,何況非法! 諸有智 者 法

少 法 佛復告具壽善現言:「善現!於汝意云何?頗 耶 ? 如 頗有少 來、 應、 法 , 正等覺證得阿耨多羅三藐三菩 如 來 應 正等覺 是所 説

耶? 思 以此三千大千世界盛滿七寶持用布施,是善男子 提 法

以故?世尊!如來、應、正等覺所證、所説 以故?以諸賢聖補特伽羅皆是無為之所顯故。 惟法皆不可取,不可宣説,非法,非非法 佛告善現:「於汝意云何?若善男子或善女人, 善現答言:「世尊!如我解佛所説義者,無有少 ;亦無有少法,是如來、應、正等覺所説 如來、應、正等覺證得阿耨多羅三藐三菩 0 0 何 所 何

能斷金剛般若波羅蜜多經

故 或善女人,由此因緣所生福聚寧為多不?」 ?世尊!福德聚福德聚者,如來說為非 或善女人,由此因緣所生福聚其量甚多。何 善現答言:「甚多,世尊!甚多,善逝!是善男 福 德 以

聚 ,是故如來說名福德聚福德聚。」

此三千大千世界盛滿七寶持用布施。若善男子 佛復告善現言:「善現!若善男子或善女人,以

善女人,於此法門乃至四句伽陀 究竟通利 ,受持、 讀

,及廣為他宣説、 開示、 如理作意 由

是因緣所生福聚,甚多於前無量無數。 切 如來、應、正等覺阿耨多羅三藐三菩提皆從 何以故?

此 現!諸佛法諸佛法者,如來説為非諸佛法,是故 經 出 ,諸佛世尊皆從此經生。所以者何?善

如來説名諸佛法諸佛法。」

佛告善現:「於汝意云何?諸預流者頗作是念:

乛 我能證得預流果』不?_

¬ 我能證得預流之果。』何以故?世尊!諸預流 能斷金剛般若波羅蜜多經 一九

善現答言:「不也,世尊!諸預流者不作是念

者無少所預,故名預流;不預色、聲、香、味

觸 、法,故名預流。世尊!若預流者作如是念:

者、士夫、補特伽羅等。_ 我能證得預流之果。』 即為執我、有情 ··、命

佛告善現:「於汝意云何?諸一 來者頗作是念:

 \neg 我能證得一來果』不?_

善現答言:「不也,世尊!諸一來者不作是念:

法證一 乛 我能證得一來之果。』何以故?世尊!以無少 來性,故名一來。」

佛告善現:「於汝意云何?諸不還者頗作是念:

乛 我能證得不還果』不?_

乛 我能證得不還之果。』何以故?世尊!以無少 善現答言:「不也,世尊!諸不還者不作是念:

法證不還性,故名不還。」

乛 我能證得阿羅漢』不?_ 佛告善現:「於汝意云何?諸阿羅漢頗作是念:

乛 我能證得阿羅漢性。』何以故?世尊!以無少 善現答言:「不也,世尊!諸阿羅漢不作是念:

能斷金剛般若波羅蜜多經

漢 法 作 名 如是念 阿羅漢 <u>.</u> " , 由是因緣名阿羅漢 我能證得阿羅漢 性 0 0 世 尊 即 為 • 若阿 執 我 羅

尊 如 來 ` 應 ` 正等覺說我得無諍 住最為第 ,

有

情

命者、士夫、補特伽羅

等

0

所

以者何

?

世

世 <u>尊</u> ! 我雖是阿 羅漢 , 永離貪欲 , 而 我 未曾 作 如

是念 是念 : 我得阿羅漢永 我得阿羅漢永 離貪欲』 離貪欲 0 者 世 . 尊 如來不 ! 我 ·應記 若 作 如

,

我言 所 住 : 7, 是故如來說名無諍 善現善男子得無諍住最為第一 住無諍 住 0 ഥ 以都 無

能斷金剛般若波羅蜜多經

佛告善現:「於汝意云何?如來昔在然燈如來

應 、正等覺所,頗於少法有所取不?」

善現答言:「不也,世尊!如來昔在然燈如來

應、正等覺所,都無少法而有所取。 _

現 土 功德莊嚴 佛告善現:「若有菩薩作如是言:『 ·佛土 功德莊嚴佛土 0 ᆷ 如是菩薩非真實語 一功德莊嚴者 0 我當成辦 如 何以故? 來說非 佛

是故 嚴 是故如來說名佛土功德莊嚴佛土功德莊嚴 善現!菩薩如是都無所住應生其心,不 0

於 色應生其心,不住非色應生其心;不住聲

香 味 、觸、法應生其心,不住非聲、香、味

觸 法應生其心,都無所住應生其心。_

使譬如妙高山王。善現!於汝意云何?彼之自體 佛告善現:「如有士夫具身大身,其色自體 假

為廣大不?」

逝 自體 !何以故?世尊!彼之自體, 善現答言:「彼之自體廣大!世尊!廣 ,非以彼體故名自體。_ 如來說非彼體 大 故

界 何?是善男子或善女人,由此因緣所生福聚寧為 奉 能斷金剛般若波羅蜜多經 施如來、應、正等覺。善現!於汝意云

數 多不?」 ,假使有如是沙等殑伽河,是諸殑伽河沙寧為

佛告善現:「於汝意云何?乃至殑伽河中所有沙

河尚多無數,何況其沙!. 善現答言:「甚多,世尊!甚多 ,善逝!諸殑伽

男子或善女人,以妙七寶盛滿爾所殑伽河沙等 佛言:「善現!吾今告汝,開覺於汝:假使若善 世

二五

多不?」

子或善女人,由此因緣所生福聚其量甚多。_ 善現答言:「甚多,世尊!甚多,善逝!是善男

施 如來、應、正等覺。若善男子或善女人,於 佛復告善現:「 若以七寶盛滿爾所沙等世界, 此

聚 廣 為他宣説、 ,甚多於前無量無數 開示、 如理作意, 由此因緣 所生

法

門乃至四句伽陀

,受持、讀

誦、究竟通利

及

復次,善現!若地方所 於此法門乃至為

他



能 斷金剛般若波羅蜜多經 一説 開示四句伽陀 此地方所尚為世間諸天 及

此

宣

法門具足究竟 阿素洛等之所供養如佛靈 ` 書寫 ` 受持 讀 廟 誦、究竟通利 ,何況有能於

及廣 最 勝 希有功德 為他宣 三説 0 ` 此地方所 開示、 如理作 大大 (師所 意!如是有情成 住 或隨一 就

重處所 ,若諸有智同梵行者。_

此 法 説是語已。具壽善現復白佛言:「 世尊!當何名 門?我當云何奉持?_

作是語已。佛告善現言:「 具壽!今此法門名為

金剛般若波羅蜜多經

能 以故?善現!如是般若波羅蜜多,如來說為非 斷 金剛般若波羅蜜多,如是名字汝當奉持。 般 何

若波羅蜜多,是故如來說名般若波羅蜜多。_

佛告善現:「於汝意云何?頗有少法如 來 可 説

不?

善現答言:「不 也 世尊 !無有 少 法 如 來

説 佛告善現:「乃至三千大千世界大地微塵寧為多

不?_

善現答言:「此地微塵甚多,世尊!甚多,善

逝! 佛言:「善現!大地微塵,如來説非微塵,是故

故 如 如來說名世界。」 來說名大地微塵;諸世界,如來說非世界,是

觀 於如來、應、正等覺不?」 佛告善現:「於汝意云何?應以三十二大士夫相

相 觀於如來、應、正等覺。何以故?世尊!三十 善現答言:「不也,世尊!不應以三十二大士夫

能斷金剛般若波羅蜜多經

一大士夫相。」 一大士夫相, 如來說為非相 ,是故如來說名三十

劫 日 數 日分捨施殑伽河沙等自體 佛復告善現言:「假使若有善男子或善女人,於 捨施自體 0 復有善男子或善女人,於 ,如是經殑伽河沙 此法 等 門

他宣 一説 開示 如 理作意 ,由是因緣所 生 福

乃 至

一四句

伽

陀

,

受持

讀

誦

、究竟通利

,

及廣

為

甚多於前無量無數

爾 時 ,具壽善現聞法威力悲泣墮 淚 俛仰 淚

智 利 如 而白佛言:「甚奇希有!世尊!最極希有!善逝 以 來今者所説法 ,普為發趣最勝乘者作諸義 來 , 未 曾得聞如是法門 門 普 為發趣最上乘者作諸 。 世尊 利。 世尊 ! 若諸 ! 有情 我昔 義 聞

説 想 説 何 來世 如 以 ,是故. 如是甚深經典生真實想 是法 故?世尊 , 後 時 門 如來說名真實想真實想 , 領 !諸真實想真實想者 、 後 分 悟 信 、後五百歲 解 未 , 為希 當知成就最勝希 有 , 0 世 正法將 0 若 尊 如 ! 諸 來 滅 我今 説 情 詩 為 有 聞 於 非 0

轉 時 , 當 於如是甚深法 門 領 悟 信 解 受 持

意 讀 情 無 誦 , 當 我 想 究竟通利 知 轉 成就最勝希 , 無有情 , 及廣 想 有 為他宣 0 無命 何 以 者想 故? 説 ` 世 開 ` 無士 . 尊 示 ! 夫 彼 如 諸 想 理 有 作

非 想 無 補 想 特 無受者想轉 伽羅 諸 有 想 l 情想 無意 0 所 命 生 以者何?世 者 想 想 ` ` ‡ 無 摩 夫想 尊 納 婆 諸 想 補 我 特 想 無 即 作 伽 羅 者

0 意 何以故?諸佛世尊離 生 想 ` 摩 納婆想、 作 切想 者想、 受者想即

是

想

想

作是語已 0 爾時,世尊告具壽善現言:[如是

驚 如 是 、 不 懼 善 現!若諸有情聞説如是甚深經 無有怖畏 , 當知成就最勝希有 典 0 何 以

羅 故 尊 多 ? 善 蜜多即 所 共宣 善 現 現 記 非 **三如** ! 如來說最勝波羅蜜多 波羅蜜多 , 來 故名最勝波羅蜜多 所説最勝波羅蜜多 , 是故如來說名最勝 0 , 謂 如來說最 無量 一般若 波羅 波羅 諸 勝 佛 蜜 波 世

復次 善現! 如來說忍辱波羅蜜多即非 波羅 多

蜜多 想 恚 補 以 想 補 都 現 想 特 故?善 特 無我想 即 或受者想 我昔過去世曾為羯利 伽 伽 羅 我 於 是故如來說名忍辱 羅 爾時 ·現 ! 想 於 想 爾 或有情想 我 時 應有恚 意 • 或意生想、 我於 若 生 於 有 爾時 想 有情 想 爾 ` 若 時 或命者想、 摩 想 有 都 主 納 波羅蜜多 何 或摩納婆想 我 婆想 斷肢節 無有想 以故? ` 命者 想 ` , ·善現 想 亦 或士 作 即 肉 0 何以 :者想 非 於 , 夫想 無想 士 爾 我 ` 我憶 時 或 於 故?善 爾 受 想 作 應 0 者 過 有 或 時 者 何

0

!

心

0

香

味

心

住

聲

現

·菩薩·

摩

菩提心

受

者

想

,

我

伽

羅

想

`

我

想

無有

五

百生

中

來 説諸菩薩應無所住而行布施 ,不應住色、 聲

香、味、觸、法而行布施。

想 故 即是非想;一 應當如是棄捨布施 復 次 , 善 現 切有情 !菩薩摩 , 0 如 何以故?善現 河薩 來即說為非 為諸 有情 有 1 作 情 諸有 義 0 情 善 利

法 復 或所思法 次 善 現 , 即於其中非諦非妄 如來 現前等 所證 0 法 善 ·現 ! 或 礕 所 如 説

者

o

現

如

來

·是實語

者

諦

語

者

如語者

不

異

語

, 都無所 見 , 當 知菩薩若墮 於 事

謂 墮於事 夫 夫入於暗室 , 過 夜曉已 而行布 施 ,日光出時 , 亦 復如 是 , 見種 0 善 種色 現 ! 譬 , 當 如 知 明 菩 眼

薩 不墮於事 , 謂不墮事而行布施 ,亦復如是 o

持 復次 讀 誦 , 善 究竟通利 現!若善男子或善女人於此 , 及廣 為他宣 説 ` 開 法門 示 如

理 其 作 佛 意 切當生無量福聚 眼悉見是 , 則 為 如 來 以其佛智 則為如來悉覺是人 悉 知是 , 則 , 如是有 為 如 來

0

生 施 施 沙 分 具足畢竟 等 福 以 0 自體 復次 聚 若 由 殑伽河沙等 有 此 ,尚多於前無量 聞 法 布 , 善 書 説 門 施 如是 現 寫 , , 自體 經 !假使善男子或善女人 日後時分亦 受持 法 於 門 布 俱胝那 三無數 施 , 讀 不 , 以 日 誦 生 庾多百千劫 中 訓 (焼伽) 何 況能 時 謗 究竟通利 分復 河沙等 於 由 如 此 以 以 , 自 İ 是 兢 日初 因 體 體 法 伽 及 緣 廣 門 時 所 布 布 河

復 次 , 善現 !如是法門不可思 議 不 可 稱

為他宣説

開示、

如理作意



説 稱 以 理 持 饒 量 如 量 益 來無上正等菩 其 作 如 (佛眼) 是法 一無邊 趣 意 讀 應當希冀不可思議所感 切 最 成 誦 , 就 悉見是 即 勝乘諸 門 福 究 無量 聚 為 , 竟 為 如 0 提 人 有情 欲饒 善 通 福 來 聚 以 利 現 0 , 則 其 益 故 何 , , (佛智) 趣最 以故 及廣 皆當成 為 如 0 是 善 如 足異熟 來 Ē ?善現 悉 為他宣 現 知是 一乘 諸· 就 切 悉覺是 ! 有 若 不 0 有於此 有情 情 説 善 可 ·如是 思 現 ` , , 其 議 開 故 即 ! 0 法 如來 肩 為 法 如 示 • 荷 門 如 為 是 不 言 欲 擔 來 如 口

諸 見 下劣信解有情所能聽聞 非 諸命者見、 非諸士夫見、 非諸我見、 非 諸補 非 諸有 特 伽 情 羅

竟通利 非 見 諸受者見所能聽 非諸意生見、 • 及廣為他宣説 聞 非諸摩納婆見、 0 此 ` 開示 等若能受持 ` 如 理 非諸作 存 ` 意 讀 :者見 誦 , 無 有

當 右遶如佛靈廟 為世間諸天及人、 復次 善 現!若 0 阿素洛等之所供養 地方所聞 此 經 典 此 禮 地方 敬 所

是處

0

於

然

燈

如

來

何

以故

?

四

俱胝

得

法

中

遭

輕毀

現

理

作

意

,

若

持

讀

誦

復次

無違犯 0 善 現!我於如是諸佛世尊皆得 承 事

後 既 五百歲 承 事 Ė , , 皆無違犯 正 法將滅時分 ;若諸 轉 有情 時 , 於 , 後 此經典受持 嵵 、後 分

意 讀 誦 0 善 究竟通利 現!我先 福聚 ,及廣 於 此 為他宣説 福 聚 • 百分計之所不 開 示 如 理 能 作

`

`

`

崳 胝 及 分、 那 庾多百千分、若數分、 如是千分、若百千分 若鄔波尼殺曇分亦不能及 若計分 若俱胝百千 若 算分 分 、 若 俱

善現!我若具説當於爾時是善男子或善女人

諸有情則便迷悶 所 生 二福聚 ,乃至是善男子是善女人所攝福聚 ,心或狂亂。是故 ,善現!如來 , 有

可思議所感異熟。」

宣

説

如是法門不可思議、不可稱量

,應當希冀不

薩 爾 乘者 時 ,具壽善現復白佛言:「世尊!諸有發趣菩 應云何住?云何修行?云何攝 伏 其

心 ?

之心:『我當皆令一切有情 佛告善現:「諸有發趣菩薩乘者 ,於無餘依妙涅槃界而 ,應當發起如

情 般 得 涅 槃 滅度者。』 ,雖度如是一切有情,令滅度已 何 以故?善現!若諸菩薩 摩 而無 訶 有

諸 有 菩菩 情想轉 1薩摩 訶薩不應説言有情想 ,不應説名菩薩摩 河薩 .轉 , 所以者何 如是命者 想 若

0

?

想 夫 、受者想轉 想 補 特伽 , 當 知 羅想 亦 ` 意生 爾 0 祖、 何以故?善現! 摩 納婆想 無 作 有 者

佛告善現:「於汝意云何?如來昔於然燈如 來

少

法

名為發趣菩薩乘者。_

應 正等覺所 ,頗有少法能證阿耨多羅三藐三菩

所 説義者 作是語已。具壽善現白佛言:「世尊!如 ,如來昔於然燈如來、 應、正等覺 我解 所 佛

無有少法能證阿耨多羅三藐三菩提。 _

現 **!**如 説是語已。佛告具壽善現言:[如是, 來昔於然燈如來、 應 正等覺所 如是 , 無有· 0 善

阿 法 能 昔於然燈如 耨多羅三藐三菩提者 證 间 耨多羅三藐三菩提 來 應 正等 ,然 覺 燈如來 0 所 何 以故?善現 , 若有少 應 法 正等 能 如

能斷

金剛般若波羅蜜多經

四

不應授我記言:『汝摩納婆於當來世,名釋迦牟 尼

證 如 闻 來 耨多羅三藐三菩提 應 、正等覺 `° **□** 善現!以如來無有少法 ,是故然燈如來 ` 應 能 正

如 等覺授我記言:『汝摩納婆於當來世,名釋迦牟 來 應 、正等覺 0 所以者何?善現 !言如 戹 來

性 者 增 語 即 即 是畢竟不 是真實真如增 ;言如 來 · 生增 者 , 語 語 即是永 ; 言 0 何以故?善現 如來 斷道路增 者 , 語 即是無生 ! • ·若實 如 無 法 來

生 即最勝義

無有 何 羅三藐三菩提者,當知此言為不真 ?善現 少法 善現!若如是説如 , 如 !由彼謗我起不實執。 來、應 、正等覺能證 來、應 、正等覺能證阿 何 间 以故?善 實 耨多羅三藐 0 所 現 以 者 耨

或 法 皆是佛法。善現!一 所 思法 , 即 於其中 菲 切法一 諦 非 妄,是故如 切法 者 , 如 來 來 說 説 非 切

菩

提

。善現

!如來

現前等

所證:

法

,或所説

法

切 佛告善現:「譬如士夫具身大身。 」 法 ,是故如來説名一切法一切法。」

大身,如來説為非身,是故説名具身大身。_ 具壽善現即白佛言:「世尊!如來所說士夫具身

言:『我當滅度無量有情。』 佛言:「善現!如是,如是。若諸菩薩作如 是則不應說名菩薩

何以故?善現!頗有少法名菩薩不?_

薩 善現答言:「不也,世尊!無有少法 名 為 菩

佛告善現:「有情有情者,如來説非有情, 是故如來說 切法無有有情、無有命者 故名

無有士夫、無有補特伽羅等 。善現 **!若諸菩薩** 作

何 如是言:『我當成辦佛土功德莊嚴 以故?善現 !佛土功德莊嚴佛土功德莊嚴 0 亦如是説 者 0

如

來說非莊嚴

,

是故如來說名佛土

功德莊嚴佛

信 功 解者 徳莊嚴 ,如來、應 。善現!若諸菩薩於無我法 、正等覺説為菩薩。 無我法 深

佛 告 善現:「於汝意云何? 如 來 等 現 有 肉 眼

不?

善現答言:「如是 ,世尊!如來等現有肉眼。

佛言:「善現!於汝意云何?如來等現有天眼

不?

善現答言:「如是,世尊!如來等現有天眼。 _

佛言:「善現!於汝意云何?如來等現有慧眼

不?

善現答言:「如是,世尊!如來等現有慧眼。

佛言:「善現!於汝意云何?如來等現有法 眼

不?_

善現答言:「如是,世尊!如來等現有法眼。



佛言:「善現!於汝意云何?如來等現有佛眼

不? 善現答言:「如是,世尊!如來等現有佛眼。_

沙 善現答言:「如是,世尊!如是 佛告善現:「於汝意云何?乃至殑伽河中所有諸 ,如來説是沙不?」 ,善逝!如來說

沙 是沙。 ·數 , 佛言:「善現!於汝意云何?乃至殑伽河中 假使有如是等殑伽河,乃至是諸殑伽河 -所有

所有沙數 ,假使有如是等世界,是諸世界寧為多

不?

善現答言:「如是!世尊!如是!善逝!是諸 世

界其數甚多。_

諸 有情各有種種,其心流注,我悉能知 佛言:「善現!乃至爾所諸世界中所有有情 0 何 彼 以

故 去心不可得,未來心不可得,現在心不可得。. 故?善現!心流注心流注者,如來説非流注 如來說名心流注心流注。所以者何?善現! 過

佛告善現:「於汝意云何?若善男子或善女人,

覺 以此三千大千世界盛滿七寶奉施如來、應、正等 ,是善男子或善女人,由是因緣所生福聚寧為

善現答言:「甚多,世尊!甚多,善逝!」

多不?」

現!若有福聚,如來不說福聚福聚。_ 佛言:「善現!如是,如是。彼善男子或善 由此因緣所生福聚其量甚多。 何以故? 善 女

佛告善現:「於汝意云何?可以色身圓實觀如來 能斷金剛般若波羅蜜多經

不?

如 來。何以故?世尊!色身圓實色身圓實者,如 善現答言:「不也,世尊!不可以色身圓實觀於

實 來 説 非 圓實,是故如來說名色身圓實色身 圓

佛告善現:「於汝意云何?可以諸相具足觀如

不?_

如 來。何以故?世尊!諸相具足諸相具足者 善現答言:「不也,世尊!不可以諸相具足觀於

如

來 説為非相具足,是故如來説名諸相具足諸相 員

足 。 一

有 所説 佛告善現:「於汝意云何?如來頗作是念: 法 耶?善現!汝今勿當作如是 觀 0 我 何 當 以

善 取。 何以故?善現!説法説法者 ,無法可説

故

?善現!若言如來有所說法

即

為謗我

,

為

非

故名説法。」

時 爾 、 後 分 時 具壽善現白佛言:「世尊 、後五百歲 ,正法將滅時分轉時 !於當來 頗 世 有 後

有情聞説如是色類法已能深信不?」

佛言:「善現!彼非有情、非不有情。

何以故?

善 現! 切有情者,如來說非有情,故名一切有

佛告善現:「於汝意云何?頗有少法 如 來

情

0

應、正等覺現證無上正等菩提耶?_

有少法, 具壽善現白佛言:「世尊!如我解佛所説義者 如來、 應、 正等覺現證無上正等 菩

提 無

言:「善現!如是 !如是!於中少法無有 無

佛

得 故名無上正等菩提

等 ,故名無上正等菩提 復 次 ,善現!是法平等 0 以無我性 , 於其中 、 無 有 間 無不 情 性

無命 者性 、無士夫性 、無補特伽羅等 性 平 等 故

名

無

無不妙覺

法

是故如來說名善法善法 上正等菩提 。善現!善法善法 0 切善法無不 者 , ·現證 如 來一 切説為

切善

法

非

復次,善現!若善男子或善女人集七 寶 採

乃 至 量 施 等三千大千世界其中所有妙高山王, 四句伽陀 若善男子或善女人,於此般若波羅蜜多經 ,受持、讀誦、究竟通利 , 持 及廣 用 中 為 布

福 分 聚,百分計之所不能及,如是千分、若百千 若 若俱胝百千分、若俱胝那庾多百千分、若 :計分、若算分、若喻分、若鄔波尼殺曇分 數

他宣説

、開示、如理作意。善現!前説福聚於

此

佛告善現:「於汝意云何?如來頗作是念: ·我當 亦不能及。_

脱諸有情耶?善現!汝今勿當作如是觀 何 以

度

故 ?善現 !無少有情如來度 者。 善 現!若有有 情

執 者 如 執 者 來 度者 ` , 有 如 士夫執 如 來說為非 來即應有其我 執 有 ·補特: , 故名我等 加羅 執、 等 執 執 有有情 , 0 善 而諸愚 現 執、 ! 夫 我 有 命 等 異

生 強 有 此 執 0 善 現 (!愚 夫異生者 , 如來 説 為 非

來

生

,故名愚夫異生。_

不? 佛告善現:「於汝意云何?可以諸相具足觀 如

善現答言:「如我解佛所説義者,不應以諸相具

足觀於如來。」

所 説 佛言:「善現!善哉!善哉!如是, ,不應以諸相具足觀於如 來。善現!若以 如是。 如 諸 汝

以 相 諸 具足觀 相具足觀於如來 如來者 , 轉 輪聖王應是如 如是應以諸相 來 菲 ,是故不 相觀 於 如 應

來。

爾時,世尊而説頌曰:

「諸以色觀我,以音聲尋我,

彼生履邪斷 ,不能當見我

應觀佛法性 ,即導師法身

法 性非所識 ,故彼不能了。

佛告善現:「於汝意云何?如來、應、正等覺以

諸 如 是觀 相具足現證無上正等覺耶?善現!汝今勿當 0 何以故?善現!如來、 應 正等覺不以 厏

復次 ,善現!如是發趣菩薩乘 者 頗施設

相具足現證無上正等菩提

法若壞若斷耶?善現!汝今勿當作 如是觀 諸 少

發趣菩薩乘者,終不施設少法若壞若斷

沙等世界盛滿七寶,奉 有菩薩於諸無我、無生法中獲得堪忍 復次,善現!若善男子或善女人,以殑伽 施如來、應、正等 ,由是因 覺 , 若 緣 河

所生福聚甚多於彼

具壽善現即白佛言:「世尊!云何菩薩不應攝受 復次,善現!菩薩不應攝受福聚。

佛言:「善現!所應攝受,不應攝受,是故説名

福

聚?

微聚寧為多不?」

所應攝受

善 住 現!言如來者即是真實真如增語, 復次 若坐、若臥 , 善 現!若有説言如來若去、 ,是人不解我所説義 都 0 無所去 若 何以故? 來、若

無所從來

,故名如來、應、正等覺

大千世界大地極微塵量等世界, 色像為墨如極微聚 復次,善現!若善男子或善女人,乃至三千 0 善現!於汝意云何?是極 即 以如是無數 世

善現答言:「是極微聚甚多,世尊!甚多 , 善

逝 聚 説 為 !何以故?世尊!若極微聚是實有者,佛不 故 極 名極微聚。 微 聚。所以者何?如來說極微聚 如來說三千大千世界 即 即 非 為 應 界 非 世

是 界 執 實有者,即為一合執 ,故名一合執。」 ,故名三千大千世界。何以故?世尊!若世 ,如來說一合執 即 為 非

彼一 佛言:「善現!此一合執不可言説,不 切愚夫異生強執是法。何以故?善現!若 可戲論

見、補特伽羅見、意生見、摩納婆見、作者見 作是言:『如來宣説我見、有情見、命者見、士夫

受者見。』於汝意云何?如是所説為正語不?_

説 非 善現答言:「不也,世尊!不也,善逝!如是所 為正語。所以者何?如來所説我見、有

納婆見、作者見、受者見,即為非見,故名我見 見、命者見、士夫見、補特伽羅見、意生見、 摩

佛告善現:「諸有發趣菩薩乘者,於一 能 斷金剛般若波羅蜜多經 切法應如 乃至受者見。

是 知 應 如是見 應 如是信 解 , 如是不住法想

故如來說名法想法想。

何

以

故?善現

!法想法想者

,

如來

説為

非

想

,

善 盛 滿 女人 七寶 復 次 , 於 , 善 此 奉 施 般若波羅蜜多 現!若菩薩摩 如 來 ` 應 ` 經中 訶薩 正 等 乃至 覺 以無量無數世 0 四四 若 善男子 旬 伽 陀 或

説 數 0 開示 云 何 為 , 由 他宣説 此 因緣 所生 開示?如不為他宣 福 聚, 甚多 /於前 説 無量 無 開

受

持

讀

誦、

究竟通利

如

理

作意

,

及廣

為他宣

示,故名為他宣説、開示。」

爾時,世尊而説頌曰:

「諸和合所為,如星翳燈幻,

露泡夢電雲 , 應作如是觀 0

芻 尼 時 , 薄 鄔 伽梵説是經已,尊者善現及諸苾 波索迦 鄔 波斯 迦 , 並 諸 世 間 天、人 芻 、 苾

阿 素洛 ` 健達縛等 , **聞薄伽梵所説經已** , 皆大 歡

喜,信受奉行。

補闕真言

住 南謨喝囉怛那 擪 囉摩 囉

哆囉夜耶

佉囉

佉囉

俱

住俱

潑抹拏 娑婆訶

虎

囉

吽

賀賀

蘇

怛

拏

吽

回向文

願以此功德 普及於一切

我等與眾生 皆共成佛道

世世常行菩薩道

南無護法韋馱尊天菩薩

佛記樓至 屢現童真 功勛浩蕩 正眼分明 兜鍪鎧甲 寶杵隨身 三洲應化 護法護人 有道者 為翰為屏 破法者 碎腦碎心 永佐三尊侍座側 叢林鞏固遠維新

